

۲۴ ذی الحجه سنه ۱۳۳۳

سالی

۲۴ تشرین اول سنه ۱۳۳۱

DJÉRID I SOUFIE

Fonde en 1090

Organe Turc Fanislamique

Directeur Propriétaire.

HASAN KIAZIM

No. 114, le 9 (2 Novembre 1915

Adresse. Avenue de la S. Porte

Rue Eb ussonoud

جريدة الاصل والفصل

شمديلاک اون بئر کونده برنشر اولنور

صاحب امتیاز و مدیر مسئول حسن کاظم

تاریخ تأسیسی ۱۳۲۷ سنه هجری

ملت اسلامیہ — امت عثمانیہ انجوں مفید اولان آثاره
صحیفه لر من آجیتدر در چ ایدلیان اوراق اعاده ایدلر

ست نبولده باب عالی جوارنده ابوالسمود جاده سنده
نجوم استقبالی مطبعه سنده اداره خانه من الصحاب
سراجمانه هر ساعت آجیتدر

سندناک اعتباریله ممالک شاهانه انجوں بشین
اولورق ۵۰ الی ایلنی ۲۵ غروش و سندناک

احضایه انجوں ۱۲ فرانتدر .

تلفون نوسروبی : ۱۰۹۷

نسخه سی . ۱ باره در

تصوئی ، دینی ، اخلاقی ادبی ، سیاسی جریده اسلامیة در

نومرو ۱۰۵

تبعه‌سندن برینه غلبه ایده‌میشی نفسه غایت آغیر کلمکه برینه کجوب
اوتوردینی زمان قیراجلرک صوک شدتله وورولسنی امر ایتدی .
امام ینه وورانلره (قطع الله یدک) مقابله‌سند بولندی . خلیفه‌هورندن
چیلدیرمق درجه‌لرینه کلوب یا احمد بودهشتلی تغند و تورد نهدن ایجاب
ایدیور . بکا اجابت ایتزه سهک والله سنی صاعلام قوی دیرم ته‌دیدی صاوور .
مه‌سینه مقابل حضرت امام - یا مرجع المؤمنین بکا کتاب‌اللهدن برشی ایراد
ایدیکزده اوکا تمسک ایده‌م یوخسه بوراده خوف عذاب ایله اقراقم
کبی آخرتمی ویران ایده‌م .

والحاصل بوجرای عقاب امامک ضربدن آل‌قانلر ایچنده دوشوب
بایلمه‌سینه قدر دوام ایتدی . معصم امامت حقنده نه‌بایلمه پای
ثباتی متزلزل اولمیه جغقی جزم ایتمکه آرتق اشکنجه‌یه لزوم کورمیه‌رک
عجسه آتقله اکثفا ایلدی .

امام احمد صوک دفعه‌ده قیراجلانیرکن ضربک شدتندن سراویلنک
باغی قویش سراویلی بلندن اشاغی دوشمک اوزره بولونمش ایدی .
اواننده امام کوز اوجنی جانب سایه طوتدینی حالده دوداقلرینی
اوینا تهرق برشی او قودویی کورولدی . وسراویلی کندی کندینه
قاله‌هرق باغمز اولدینی حالده بدننه یاپشه قالدی . بالاخره او حالته
نه او قودینی کندیسندن سورولمش - (آهیی انی اسلک باسماک الذی
ملأت به العرش اوکنت تعلم انی علی الصواب فلا تهتک لی سری)

یعنی : (یارب هرش برینی املا ایتش اولان اسم اعظمک حرمتنه
سندن نیاز ایدرم که بن بود عواده حق و صواب اوزره ایسم نامحرم
یرلریمی کوستزمرک بی رسوای عالم ایتمه) دیه جناب ستار‌العیوبدن
تمئی صیانت ایتش اولدینی سولیش بو حالت نجییه‌یی کورن بعض
اهل انصاف امامک حق اوزره اولدینی اعتراف ایله کندیسنه روا
کورولن شواشکنجه‌لرک مسببی اولانه لعنت او قومغه باشلادیلر .
ایشته بونک اوزرینه اوله‌جقدرکه خلیفه معصم ایشک بوندن زیاده
ایلروسه وارمیه‌رق فقط اطلاقی‌ده جائز کورمیه‌رک یکریمی سکر
آی قدر اختلاطدن ممنوع اولماق اورره حبسه طوتمه مجبور اولدی .
بو قدر حقارت و عقوبت کورن امامک علو جنبانه باقیلسون که
کندیسنه هر قیراج اورولدیجه - یارب معصمدن سکا شکایت و دعوام
یوقدر . او بو خصوصده بری‌الذمه‌در - دیر ، وسیندن صورانلره
یوم عرصاته حضور ذوالجلاله کلدیکمده (شو آدم پیغمبرک عمجه
زاده‌سک غریبی و خصمیدر) دینلمه‌سنی آرزو ایتیم جوانی ویر
ایتمش . (رحمة‌الله علیه)

ذکر اولنان احوال امام احمد حضرت‌لرینک ناموس دینی صیانت
او غورنده مبتلا اولدینی بلا و مختلرک انجق بر مقاله اجمالیه‌سیدر .
یوخسه مشارالیه لایق کورولن اذا ونکالک امثاله تاریخده همان
تصادف اولماز . کلم شو (مخلوقیت قرآن) مسئله‌سی امام احمد
کعبنده ده بر چوق آدم‌ارک موجب فلاکت و مصیبتی اولمشدر . از جمله

بیوررکه او شرابی کورمه‌مش و ادراک حقیقتی لذتی طامعه‌مش
اولان بر ذات اونک نامی لسانه تقریب ایتسه یا خود دیکرینک لساندن
ایشته عینی زاویه‌بعد و فراقده بولنان عاشق مشتاق کندی معشوقک
یادندن اهتزاز ایدوب وجد و طربی تزیاید ایتدیکی کبی همان نشه‌یاب
اولوب سبکبار و بی‌قرار اولور .

« باغیه »

ویران غم از ذکر می‌آید شود وز بند بلاد محنت آزاد شود
هر چند نداشتش کس چون نشود نامش زسماع نام او شاد شود
تأثیر غموم ایله خراب اولمش بر کیمسه شرابک ذکر ایله آباد
وبلا و محنت بندندن آزاد اولور همده شرابی هیچ کورمه‌مش اولان
بر آدم دخی مجرد شرابک نامی ایشتمش اولسه شاد اولور . هر نه
قدر او شرابی کندیسنه ویرمه‌سیریله . . . لائق اولان شیخ ناظم ک
قدسی سره مراد عالی‌لری شویله اولمقدر . مادام که آدمینک طینتی ،
بدایت فطرتنده آب محبتله یوغیر مشلر وزمین استعداد و قابلیتله عشق
و محبت تخمینی اکملشدر . شو حالده هر نه زمان که اسرار محبت و رموز
عشق و مودتدن - لسان عبارت ، یا خود زبان اشارت واسطه‌سیله -
بر رموز سر ایشتمش اولسه - هر نه قدر نیجه عمر لر ، زمانلر ، صوری ،
معنوی تمشقات سبیلله اوسردن غافل ، دینی ، دنیوی تعلقات واسطه‌سیله
اومعاندن ذاهل اولمش بولسه بیله - البته ینه اوسر اصلی و معنای
جلیبی متذکر اولور .

« رباعیه »

هر که که ازان حسن برون زاندازه در شهر وجود من تند آوازه
صد درد قدیم در دلم نکرده صد داغ کهن بر جگر من تازه
— تقدیر و تمیز داره‌سینه صیفیشه‌میه‌جق اولان او کوزلکدن
وجودیمک شهرینه هر زمان بر آوزمه‌صیت دوشمش اولسه همان کوکاک
اسکی یوز دردی تازه اولور و جگر مده‌کی اسکی یوز داغ دخی تازه‌لیرور .
مدرس : کمال‌الدین خرپوتی

مجاهدات دینه‌دن

۱۱۴ نجی نسخه‌دن مایعد :

خلیفه‌ک غیرتی چکن تماشا کرانک قسم اعظمی دخی به آدم
سن بوقدر انسانلره غالبی اولماق ایستورسین سن مسلکده
اولانردن عبرت آلیورمیسین اونلرک هر بری تحویل فکر ایدرک
سلامتی بولدیلر سنک بو عنادک نهدن ایجاب ایدیور ؟ کیمیسی دخی
یا خلیفه بونی قتل ایله وبالی بنم بویجه اولسون دیه‌جک قدر
ادبزلکده ایلرو واریورلردی . امام احمد حضرت‌لری ایسه هر بر تعرضده
کتاب‌اللهدن وسنت رسول‌اللهدن حجت کتیروب بی الزام ایتدیجه
نه‌دیه‌کز نه‌بایسه کز بهوده‌در . جوابیله مقابله ایدر . معصم دخی
بوزاتک شومانتیه قلباً حیران اولماقه برابر مقتضای غرور حکمداری

براميرزاده اولان استاد احمد بن نصر الخزامي که غايت جري اللسان بر مرد صاحب جنان ايش. امر بالمعروف ونهي عن المنکرده اونک قدر جرأت وثبات ايله ايلرو وارن عصر نده کيمسه يوق ايش . بو ذات دخی قرآن کریم حقنده امام احمد بن حنبل اعتقادنده بولنديني ايجون معتصمک خانی واثق زماننده ينه اومامون ابن ابی دوادک القسآتيه واثقک حضورينه کتيرلدي بالذات واثق صوردي . قرآن حقنده نه ديرسين .

— کلام الله درم ديهرك بوندن باشقه نه برسوز اكسيك نه ده زياده سويلدي . بونك اوزرينه واثق بالله قيليجي کتيرتدي وبوكافري بن کبرته يمه آخرته دين نامه باري بر ثواب ايشلمش اوله رق کيده يم . ديهرك اوزات عالي نهتمك باشني بالذات کنديسي کسمشدر .

معتصم و واثق بالله کيلر ايجون نه قدر عيب و عاردرکه بويه اويدورمه بر مسئله ي شطر ايماندن عد ايدمك درجه ده نور بصيرت وعرفاندن محروم بولونمشلر ، وشو بصيرتسزلك يوزندن برنجيه مشاعل هدايي کندی آغز ليله سوندرمشلردر . في الحقيقه تاريخك شهادتندن اكلانشيلورکه مأموندن صوکره خلفای عباسيه سرايلرنده ايران وترکستاندن کتيرتدکاري جاريه لرله اکنمکه حصر اوقات ايدرك حايه علم ومعرفندن بي نصيب اوله رق کلوب کيتمشلردر .

مابعدی وار مصطفی نوری

سیاسی

صرب سفري و شرق

ايشته صرب سفري ختام بولمق اوزره در . بر سندهن برو بوكا کال تهالکله انتظار اولنيوردي . بو اوچنجي بالقان محاربه سي هيچ شبهه سز حرب عمومينک طالع و مقدراتي بر آن اول اكمال و تعيينه خدمت ايدم جکدر . برليندن کابه قدر خطوط مواصلي ي تأمين ايدمك اولان بوسفر جنکجويانه دن بالجله ملک شرقيه و اسلاميه پک زياده استفاده ايله جکدر . آرتق مرکزي اورويادن استانبول طريقه شرقه هرشي سوق و ايصال اولمجنی مسلمدر . بوسفرک موفقيته نتيجه نسي قوه قريبه يه گلشدر . مصر ، هندستان ، ايران ، افغانستان بوحركات حربه اخيره دن ان شاء الله بحق مستفيد اوله جکلردر . بونک ايجوندركه اوروياده ، خصوصيه ائتلاف يانتخلرنده دهشتلي بر خوف و تلاش اورته لنی استيلا ايتمش ، بر چوق رجال سياسي ايله قاينه لرك موقعلي تزلزله اوغرا مشدر . فرانسه ، انگلتره ، ايتاليا مطبوعاتي بالقان وضعيتي حقنده مأيوسانه ، بدبينانه مطالعاتده بولونمقده ، بربرليني تنقيد و مؤاخذه ايتمکده درلر .

ائتلاف مثلك سياستلري ، بول باره لري ، مدهش انترقه لري بالقان ساحه سنده محكوم افول ، بوتون مساعيلري هياوهدر اولدي . بلغارلر آمال مايه لريني استحصال خصوصنده حقيقه بويوك بر عزه وثبات کوسترديلر . زائتلافک مواعيد وتهديدي قاله آلديلر ، ندم بول کيسه دن تقديم ايتدکاري بخششله قولاق آصديلر . جناق قلمده عدمه موفقيته دوجار اولان انگلتره وفرانسه ، سدي سلا نيکه عسکرا خراجي مسئله سييله اوغراشيورلر . فقط نهدن صوکره ؟ صربستاني اوج طرفدن ، التي ، يدي قولدن احاطه ايدن مدهش المان ، اوستريا — بحار ، بلغار سونکولري اوقدر التزام سرعت ايتديلرکه ، هفته سنده صربستانک ياريسي اشغال وسلا نيکدن امداده شتابان اوله حق قوتلرك خط مواصلي سني کسديلر . صربستانک برنجي يانتخي اولان باغراد دوشدي ، ايکنجيسي ايسه سقوطه محكوم بر حالده بولونيور . برلين استانبول شاهراهي ياقينده تماميله آجيله حق و ان شاء الله ائتلافيلرك جدي فلا کتاري باشلايه جقدر .

ايراندن ، افغانستاندن کان مطبوعات او طرفلرك احوال روحيه سييله افکار عموميه سني انگلتره و روسيه علمنده هيچاني ، بولوطلي کوسترييور . ايران جنوبيه جريان ايدن مصادمات نتيجه سنده بو آنه قدر انگلزلردن بش بيكي متجاوز تلفات وقوع بولمشدر . روسيه وانگلتره نك اصفهان وشيراز قونسلوسلري قتل ايديلرک ، بوتون تبعه لري ، بائقه ديرکتورلري فرار ايدرك طهرانه کيتمشلردر . انگلتره ايران مجاهدلرينک يومر و قليني طانجه خارجيه نفلارتي مستشاري لورد (سه سيل) ايرانه معاونت لزومندن بحث ايدرك ايراني اغفاله چاليشدي . فقط کچمش اولسون . دوات علميه نك حرب عمومي به اشتراکيله اتفاق حکومتلرينه التحاق هم اسلام حکومت وملتلري ، همده بالقان سياستني انگلتره و روسيه علمنده آياقلانديردی . بوحقيقتي انگلتره نك الك آغير باش واک طوغري سويابين (مانچستر غارديان) و (شرق قريب) غزته لري اعتراف ايتديلر ؛ ادوار غره يک عدم بصيرت نتيجه سي اوله رق اتخا ايتمش اولديني طرز سياستي آچيق و صريح بر صورتده تنقيد ايدرك ، سرکاردن چکيامسني توصيه ايديلر . روس قونسلوسلرينک رسمي رايورلرينه نظراً افغانستانده آلتمش بيک کيشيلک بر قوت ، بر سمت مجهوله طوغري آماده حرکت و عزيمتدر . روس قونسلوسلري طبعيدرکه افغانستان و ايرانه دائر اولان نقطه نظرليني کندی حکومتلرينه حسب الوظيفه بيلديرمش اولدقلا ريجون ، بلان سويله مشلردر .

ايران جنوبيه باشلايان ملي حرکات ايرانک هر طرفنده ، هر عنصر نده سرور و هيچانه قارشيلامشدر . ايران ده موقراتلري طهرانده ، کرمانشاهده ، همدانده ، هر طرفه ملي کولکلو آلايلري تحشيد ايتمکه مشغولدرلر . ايران حکومتي احتمالکه وقت مرهونه قدر موضعي بر سياست تعقيب ايدمك و ايلک بهار جيچکلري